



UNIVERSITÄTS-
BIBLIOTHEK
PADERBORN

**Florus Biblicus Seu Narrationes, Ex Veteri Testamento
Selectæ**

Pexenfelder, Michael

[S.l.], 1711

CXV. Ionathæ & Simonis Machabæorum, Iudææ fratrum, Iudææ Ducum ac
Pontificum acta.

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

NARRATIO CXV.

JONATHÆ ET SIMONIS MACHABÆORUM, JUDÆ FRATRUM JUDÆÆ DUCUM AC PONTIFICUM ACTA.

Ab anno Mundi 3910. ante Christum 143. ad annum Mundi 3919. ante Christum 134.

Periculosa sunt odia, quæ amicitiam vestiuntur; nocent enim gravius, dum minus timentur. Meretur nomen & virtus Machabæorum, ut paucis delibemus potius, quam enarremus, quibus satis *Ionathas* & *Simon*, vitæ ac gloriæ suæ spatium decurrerint, quosque in Principatu tam sacro, quam profano habuerint successores.

Postquam *Judas* & *Eleazarus* fortiter faciendo occubuerant in prælio eorumque frater germanus *Ioannes*, cognomento *Gaddæus*, à Iambræis (Mada-bam, urbem trans Iordanem incolentibus) in itinere ad Nabathæos Arabes, per insidias exceptus, & interfectus fuerat; *Ionathas* cum *Simone* rem Judaicam domi, forisque sustentavit. Illum quidem Ducis cujusdam militaris Syri, *Tryphonis* nomine: hunc duobus cum filiis *Ptolomæi* generi, perfidia evertit. *Tryphon* igitur cum per omnes militiæ gradus & ordines, rerum gestarum commendatione proVectus; novissimè pro Tutore se ferret Antiochi *Balzidæ* (filius hic erat *Alexandri*, subsefforis regni Syriæ, quem *Epiphanes* Antiochus è pellice, cui *Bala* nomen, suscepit; unde *Alexander Balæus* cognomi-

nomi-

nominatus , & hujus filius Balæides) & rege Demetrio
 (qui *Nicanor* dictus est, Demetrio *Sotere* genitus) ex Sy-
 ria pulsò , constituisset regnum Syriacum facere su-
 um ; puerum autem *Antiochum* malitiæ suæ vela-
 men habere ; quoad nactus opportunitatem, hòc
 interfectò , supremam potentiam ipse nullo reguli
 vindice , corripere : decrevit *Ionatham* (cujus ami-
 citiâ & armis *Syri* tum stabant) consilij sui unicum
 obicem è medio tollere. Quod cum aperta vi effice-
 re non posset , ad fraudes confûgit. Invitat *Ionatham*
 è castris (in quibus quadraginta tum millia
 militum numerabat) in sua castra excipit perhumani-
 ter , amicum appellat , muneribus donat ; persua-
 det inter epulas , ut multitudine utrinque dimissa , si-
 mul *Ptolemaidè* (urbem *Ægypti* celeberrimam) abi-
 rent ; & cum paucioribus circum se dignitatis potius
 quàm tutelæ salutisque causâ retentis , in ré præsen-
 tem venirent : urbè se , finitimâsque munitiões *Ionathæ*
 præfecturæ , custodiæque permissurû. Ille , Deò nõ
 consultò copiarû suarû triginta septè millia remittit
Ierosolymam ; non nisi tribus millibus præsidij causâ
 retentis ; paullò pòst ex iisdem duo millia (forte
 osttentandæ fiducia quoque gratiâ) mittit in *Galilæam* ;
 ut adeò mille jam solos , satellitium veriùs ,
 quàm armatorum præsidium , circum se haberet.
 Itur inter hæc *Ptolemaidem*. Ibi dum *Dux*
 & Pontifex *Hebræus* promissarum fidem , & hono-
 res novos exspectat , obseratis portis obtruncantur
 milites ; ipsi compedes iniiciuntur , & catenæ.

Quibus rebus *Ierosolymæ* intellectis , populi fra-
 fragijs in *Ionathæ* locum *Simon* sufficitur ; primas is in-
 ter curas habuit , contrahere , quidquid militarium

in Iudæa copiarum erat; dein affectas jam urbis ædifi-
 cationes, ac potissimum murorum turriumque
 captas à Ionatha munitiones ad fastigium perdu-
 cere prius, quàm Ierosolymam Tryphon incurfaret.
 Qui, ne cunctatione spes suas corrumperet: aut in-
 columi Simone, paria consilijs suis impedimenta
 metuere cogeretur, qualiâque, florentibus adhuc
 Ionathæ fortunis, formidâssêt, exercitu Ptolemaide
 moto, Ionatham secum vincitum trahens, tendit in
 Iudæam, ut & Simonis potiatur. Cujus hîc adven-
 tu cognito, prior ei, suis omnibus e ductis copijs, oc-
 currit. Tryphon more suo ad fallaciam conversus,
 mittit, qui Simoni, tanquam auctoritate regia Le-
 gati denuntient, non bellum id esse, sed æris dunta-
 xat alieni quod regijs in tabulis, negotiorum suo-
 rum causâ contractum, adhuc inexpunctum Iona-
 thas haberet, exactionem; ideoque in nexu esse Iona-
 tham, quo ad obligatam ejus fidem repræsentata
 tum argentum, & idonei præterea vades, quibus
 Ionathæ societas Antiocho regi, posterum etiam in
 tempus adstringeretur, exsolverent. Mitteret igitur
 Simon argenti talenta centum, debiti nomine;
 duosque præterea Ionathæ filios parvulos, paternæ
 simul fidelitatis obsides, ac transfugij frænum. Sic
 & ipsos inter se posthac concordés futuros, & Iona-
 tham in libertate victurum.

Imposuissent Tryphonis ea tam composita, tem-
 porumque casibus congrua verba cuivis non saga-
 cissimo. Non sefellerunt exercitatae calliditatis vi-
 rum, prudentiâque rerum veterana spectatum Si-
 monem probè perspicientem, quibusnam hæc ex ar-
 tibus proficiscerentur, aut ea postulata quorsum spe-
 cta-

etarent : ut unâ videlicet, eadêmque Tryphon operâ pecuniam simul & pueros ; & horum , parentisque vitam auferret. Quòd tamen ea Legatorum postulatio pròpalam esset in castris facta, passimque jam in vulgus exisset ac populum, cui Ionathæ salus erat longè charissima ; videbat Simon, si, quantum Tryphon redimendo Ionathæ pretium indixerat, ipse pendere detrectâisset, magnam se apud omnes, interfecto fratre, invidiæ calumniam subiturum ; misit igitur, quæ postulata fuerant, centum argenti talenta & duos Ionathæ filios, sèque suspicionibus absolvit, tanquam non pecuniæ magis, quàm potentiæ retinens esset. At non & Ionatham perfidus Tryphon absolvit ; quem duobus cum filijs immanis carnifex interfecit. Ipse quoque regnò Syriæ per regicidium occupatò, ab Antiocho [Sidete] Rege obsessus [nam perfidia diu felix esse non potest] denique sibi manus intulit, desperatione adactus. *Salian. ad annum M. 3918.* Terribimus bipedum ipse sibi Tryphon suimet carnifex iusto moriens fecit, qui *jus* in vita nullum ulli reliquit ; & sicubi reperit, id vel vi, vel fraude pessumdedit.

Simon audita Ionathæ, filiorumque morte, postquam eos Modinæ, majorum sepulchris, suo, publicoque populi luctu intulit, exstructò de Pario marmore, monumentò, pyramidibus septem visendò ; à privatis rerum curis, ad publica opera conversus, cum præsidijs & munitionibus ubique per Iudæam adversus barbarorum vim instructis atque firmatis, patriam libertati, à tot jam annis intermortuæ reddidisset, privata, publicaque ædificia instaurâisset, arce Sionæa hostes ejecisset, complurâ-

que Philisthinorum oppida, Iudaicæ ditioni adiecisset; Antiochus *Sidetes* [vel *Sedetes*, nomine tracto ab urbe quadam Ciliciæ, cui *Sidi* appellatio, in qua pueritiæ annos exegit] Tryphonis expulso, per *Cendebeum* Legatum suum Palæstinam adortus est. Simon, quod esset sexagenariô major, è filijs tribus, quorum erant nomina, *Iudas*, *Ioannes* ac *Mathathias*, duobus natu grandioribus, suas in posterum vices mandat, in hostibus populi DEI persequendis: exemplisque fortitudinis Majorum suorum, & imprimis avi, quatuorque patruorum, qui bellô factô viriliter occubissent, animatos: fiduciâ cum primis cœlestis opis, quæ nunquam amicos DEI destitisset, ad suscipiendam adversus barbaros expeditionem incendit.

Valuit ea patris cohortatio tantum apud filios, ut Joanne potissimum adnitente, numerosus in paucis diebus eques, ac peditum acerrimorum viginti millia Ierosolymam coirent. Qui cum Syros magna clade profligassent, tantaque *Sidetem* animi ægritudine, quanta parentem lætitiâ replevissent, Rex Syrus ad dolos confugiendum ratus, ut Simonem, filiosque, sub affinitatis & amicitie blandimentis deciperet, *Ptolamæum* quendam, natione Iudæum, Simonis generum, Ierichuntinæ ditionis præfecturam, suffragatione soceri obtinentem, Pontificatui, civiliûmque rerum imperio inhiantem, ministrum fraudis delegit; à quo Simon cum filijs Iuda & Mathathia in arcem *Docham* invitatus, in media convivij hilaritate, incisis cervicibus, & trajectis ferrô pectoribus, interemptus est.

P P

Non

Non contentus ea crudelitate sanguinarius parricida, mittit in urbem *GAZAM* seu *GAZAYAM* ad Ioanem Machabæum, tertium Simonis filium, qui per causam legationis ac negotiorum, prolatis repente, nudatisque telis, incautum opprimerent. At is de periculo, totaque re gesta commonitus, ijs, qui sui perdendi causâ venerant, & admissionis copiam fecit, & ferrô suô trucidatis vivendi finem. Nec ita multò post Antiochus Sidetes validissimo cum exercitu Ierosolymam ex omni circumquaque parte premens, in biennium usque, fame dira clauos ac semianimes oppidanos affligebat; quare de sententia Procerum ac plebis, Ierosolyma Regi tolerabiles in conditiones permissa est. Ioannes pace facta; obsidibus, & quinquaginta talentis datis, Sidetem in Parthos, cum auxiliaribus copijs comitatus, ob penetratam armis *Hircaniam*, nomen *Hircani* adeptus, rem Iudaicam, Sidete in Perside peremptò, multis incrementis auxit. Istamen *Sadducaum* se professus, spiritus, & angelos, & corporum in fine mundi reparationem habens in delirijs, bellicæ quidem virtutis ingentem gloriam; contaminatæ verò religionis æternam post se infamiam reliquit.

Ei successit in Pontificatu filius *Aristobulus*; is Syriæ regibus, *Grypo* & *Cyziceno*, communi appellatione *Antiochis* [priorem aliqui *Gryphum* vocant, ob aduncam, & in gryphis morem inflexam nasiformam: posterior ab urbe *Cyzico*, educationis loco, denominatus est] inter se dimicantibus; se ipsum interea, nemine refragante, fecit è Duce Regem: Iudæam autem è Satrapia Regnum. Id ipsum etiam

am *Alexander* mox fecit successor, Hebræis *Ioannes*
ac *Ianneus* appellatus. Idem & cæteri deinceps Ma-
chabæorum nepotes ac pronepotes infelices pleri-
que Sadducææ sectæ asseclæ, ad Herodianam usque
Domum eis subrogatam, fecerunt. *Ioan. Biselius*
in Ruinis Illust. Dec. 3. n. 18.

NARRATIO CXVI.

MACHABÆANÆ
STIRPIS ERADICATIO.
HERODISALIENIGENAE IN
REGNUM JUDAICUM INVASIO HERO-
DIANI NOMINIS PROPAGATIO,
ET EXCISIO.

Ab anno M. 3951. ante Ch. 102. ad annum Mundi
4053. IESU Christi annum 1. quo anno Herodes
è vivis excessit.

Ex Flavio Iosepho, de antiquitatibus Judai-
cis, Lib. 13. 14. 15. 16. 17. 19. Et de
Bello Judaico lib. 1.

HActenus vestigia sacrorum Voluminum pres-
simus; nunc quoniam cum Machabæorum
occasu, Herodianæ familiæ fortuna misce-
tur, prosequemur ex Iosepho, Iudaico scriptore,
quæ historico sunt nexu colliganda.

Defuncto igitur, ut diximus, *Ioanne Hyrcano*,
(primo) *Aristobulus* natu filiorum maximus, Iudæi si-
bi regis nomen usurpavit; fratremque *Antigonum*